

Na osnovu čl. 43 i 67. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10), na prijedlog federalnog ministra pravde, Vlada Federacije Bosne i Hercegovine, na 156. sjednici održanoj 7. septembra 2010. godine, donosi

## **U R E D B U**

### **O NAKNADAMA KOJE NEMAJU KARAKTER PLAĆE**

#### **I-OPĆE ODREDBE**

##### **Član 1.**

Ovom uredbom ureduju se uvjeti, kriteriji i način ostvarivanja naknada i drugih materijalnih prava koja pripadaju rukovodećim i ostalim državnim službenicima i namještenicima u federalnim organima uprave i federalnim upravnim organizacijama i drugim tijelima federalne uprave (u daljnjem tekstu: federalni organ uprave), a koja nemaju karakter plaće.

#### **II - NAKNADE KOJE PRIPADAJU DRŽAVNIM SLUŽBENICIMA I NAMJEŠTENICIMA**

##### **1. Naknada za prijevoz na posao i sa posla**

##### **Član 2.**

Državnom službeniku i namješteniku kome nije organiziran prijevoz na posao i sa posla, a čije je mjesto stanovanja udaljeno od mjesta rada, najmanje dva kilometra pripada naknada ili mjesečna karta za troškove prijevoza u visini mjesečne karte gradskog, prigradskog, odnosno, međugradskog saobraćaja.

Pravo na naknadu troškova prijevoza u međugradskom saobraćaju imaju oni državni službenici i namještenici koji dolaze na posao iz mjesta prebivališta koje se nalazi van područja u kome je mjesto sjedišta federalnih organa uprave.

Pravo na naknadu troškova prijevoza, u ovom slučaju ostvaruje se na osnovu pismenog zahtjeva državnog službenika, odnosno namještenika u kojem se navodi adresa stvarnog stanovanja u mjestu rada i da svakodnevno putuje od tog mjesta do mjesta rada. Uz zahtjev se prilaže pismeni dokaz firme čiji se prijevoz koristi za dolazak na posao i povratak sa posla (dnevna ili mjesečna karta).

Ova naknada odobrava se rješenjem koje donosi rukovodilac federalnog organa uprave. Zloupotreba korištenja naknade iz st. 1. i 2. ovog člana, smatra se materijalnom štetom i podliježe obavezi odgovornosti za tu štetu u skladu sa zakonom.

##### **Član 3.**

Državni službenik i namještenik koji za potrebe prijevoza dolaska na posao i povratka sa posla, uz prethodno pismeno odobrenje rukovodioca federalnog organa uprave koristi privatni automobil u tom slučaju pripada mu naknada u visini cijene <sup>1,5</sup> mjesečne karte u javnom saobraćaju.

## 2. Naknada za odvojeni život od porodice i smještaj u mjestu rada

### Član 4.

Rukovodeći državni službenik čije je mjesto prebivališta udaljeno više od 70 kilometara od mjesta organa državne službe u kojem vrši službenu dužnost ima pravo na naknadu za odvojeni život od porodice **u visini od 400 KM (član 1. 22/11- 27.4.11.)** i naknadu troškova smještaja u mjestu rada u visini od 300 KM mjesečno.

Državni službenik i namještenik čije je mjesto prebivališta udaljeno više od 70 kilometara od mjesta organa državne službe u kojem vrši službenu dužnost ima pravo na naknadu troškova smještaja u mjestu rada u visini od 300 **200 KM (član 1. 22/11- 27.4.11.)** mjesečno.

Rukovodećem državnom službeniku iz stava 1. ovog člana i državnom službeniku i namješteniku iz stava 2. ovog člana pripada i pravo na troškove prijevoza za dane sedmičnog odmora (vikend karta), državnih blagdana i neradnih dana u kojima se po zakonu ne radi do visine cijene koštanja karte prijevoza u cestovnom ili željezničkom prometu na relaciji koju koristi.

### Član 4.

Državni službenik i namještenik, čije je mjesto prebivališta udaljeno više od 70 kilometara od mjesta organa državne službe u kojem vrši službenu dužnost, ima pravo na naknadu za odvojeni život od porodice i naknadu troškova smještaja u mjestu rada u visini od 250 KM mjesečno.

## 3. Naknada za slučaj teške invalidnosti ili teške bolesti

### Član 5.

U slučaju nastanka teške invalidnosti ili teške bolesti državnog službenika i namještenika, ili člana njegove uže porodice, **jednom godišnje** isplaćuje mu se jednokratna novčana pomoć **u skladu sa raspoloživim sredstvima i visinom određenom zakonom.** *u visini određenoj zakonom.*  
**(Član 1. Izmjene /11)**

Državnom službeniku, odnosno namješteniku može se u skladu sa raspoloživim sredstvima i na osnovu saglasnosti rukovodioca organa uprave isplatiti dio ili ukupni troškovi liječenja teške invalidnosti ili teške bolesti u zdravstvenoj ustanovi u kojoj je on platio troškove toga liječenja. Troškovi liječenja isplaćuju se na osnovu fakture ili računa zdravstvenih ustanova u kojima je liječenje obavljeno.

Pod teškom bolešću iz *st. 1. i 2. stava 1.* ovog člana, podrazumijevaju se slijedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sustava, infarkt (srčani i moždani), oboljenje mišićnog sustava, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede. Bolest, odnosno tjelesna povreda se dokazuje na osnovu dijagnoze zdravstvene ustanove.

Pravo na jednokratnu novčanu pomoć iz stava 1. ovog člana, na osnovu teške invalidnosti ostvaruje se za utvrđeni stepen invalidnosti od najmanje 60%.

Jednokratna novčana pomoć iz stava 1. ovog člana može se dodijeliti i državnom službeniku, odnosno namješteniku koji je operiran od bolesti koje nisu obuhvaćene odredbom stava 3. ovog člana, ukoliko je takva operacija izvršena iz zdravstvenih razloga i po preporuci liječnika.

#### **4. Naknada za prekovremeni rad, rad u neradne dane, noćni rad i rad u dane državnih praznika**

##### Član 6.

Državnom službeniku i namješteniku osnovna plaća uvećat će se:

- a) za prekovremeni rad najmanje 50%,
- b) za rad u neradne dane najmanje 30%,
- c) za rad noću najmanje 35%,
- d) za rad u dane državnih praznika najmanje 50%.

Naknade odnosno uvećanja plaće iz stava 1. ovog člana ostvaruju se donošenjem rješenja u kome će biti precizno naznačeni vrsta poslova, period obavljanja poslova i broj izvršioca poslova.

#### **5. Rješavanje o naknadama i drugim materijalnim pravima**

##### Član 7.

Naknade i druga materijalna prava predviđena u odredbama čl. 3. do 6. ove uredbe, ostvaruju se donošenjem rješenja.

Rješenje iz stava 1. ovog člana, donosi rukovodilac federalnog organa uprave u kojem se državni službenik, odnosno namještenik nalazi u službi.

#### **III - PRIJELAZNE I ZAVRŠNE ODREDBE**

##### Član 8.

Danom stupanja na snagu ove uredbe, prestaje da važi Uredba o naknadama i drugim materijalnim pravima koja nemaju karakter plaće ("Službene novine Federacije BiH", br. 34/04, 56/04, 68/05, i 33/06 i 75/07).

##### Član 9.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 817/10  
7. septembra 2010. godine  
Sarajevo

Premijer  
Mustafa Mujezinović, s.r.

«Službene novine Federacije BiH», broj 22/11 /27.4.2011./

Na osnovu čl. 43. i 67. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10), Vlada Federacije Bosne i Hercegovine, na nastavku 5. sjednice održane 21. aprila 2011. godine, donosi

## **U R E D B U**

### **O IZMJENAMA UREDBE O NAKNADAMA KOJE NEMAJU KARAKTER PLAĆE**

#### Član 1.

U Uredbi o naknadama koje nemaju karakter plaće ("Službene novine Federacije BiH", broj 63/10) u članu 4. stav 1. riječi: "u visini od 400 KM " se brišu.

U stavu 2. broj "300" mijenja se brojem "200".

#### Član 2.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 348/11  
21. aprila/travnja 2011. godine  
Sarajevo

Premijer  
Nermin Nikšić, s. r.

---

«Službene novine Federacije BiH», broj 66/11 /12.10.2011./

Na temelju čl. 43. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10), Vlada Federacije Bosne i Hercegovine, na 20. sjednici održanoj 4. listopada 2011. godine, donosi

## **U R E D B U**

### **O IZMJENI UREDBE O NAKNADAMA KOJE NEMAJU KARAKTER PLAĆE**

#### Članak 1.

U Uredbi o naknadama koje nemaju karakter plaće ("Službene novine Federacije BiH", broj 63/10 i 23/11), u članku 5. stavak 1. riječi: "jednom godišnje" brišu se.

#### Članak 2.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 1014/11  
4. listopada/oktobra 2011. godine  
Sarajevo

Premijer  
Nermin Nikšić, v. r.

Na osnovu člana 43. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10), a u vezi sa članom 19. stav 1. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 53. sjednici održanoj 04.06.2012. godine, donosi

**UREDBU  
O IZMJENAMA I DOPUNI UREDBE O NAKNADAMA  
KOJE NEMAJU KARAKTER PLAĆE**

Član 1.

U Uredbi o naknadama koje nemaju karakter plaće ("Službene novine Federacije BiH", br. 63/10, 22/11 i 66/11), u članu 3. broj "1,5" briše se.

Član 2.

Član 4. mijenja se i glasi:

"Član 4.

Državni službenik i namještenik, čije je mjesto prebivališta udaljeno više od 70 kilometara od mjesta organa državne službe u kojem vrši službenu dužnost, ima pravo na naknadu za odvojeni život od porodice i naknadu troškova smještaja u mjestu rada u visini od 250 KM mjesečno."

Član 3.

U članu 5. stav 1. riječi: "u skladu sa raspoloživim sredstvima i visinom određenom zakonom" zamjenjuju se riječima: "u visini određenoj zakonom".

Stav 2. briše se.

U stavu 3. riječi: "st. 1. i 2." zamjenjuju se riječima: "stava 1.".

Stav 5. briše se.

Dosadašnji st. 3. i 4. postaju st. 2. i 3.

Član 4.

U članu 8. u četvrtom redu riječ "i" zamjenjuje se zarezom, a iza broja "33/06" dodaju se riječi: "i 75/07".

Član 5.

Ova uredba stupa na snagu narednog dana od dana objavljivanja u "Službenim novinama Federacije BiH".

V. broj 894/2012  
04. juna/lipnja 2012. godine  
Sarajevo

Premijer  
**Nermin Nikšić**, s. r.